

尺岡草堂遺集

尺岡草堂遺詩卷三目錄

歲暮偶作三首

哭弟

壬寅余就婚板橋伍襄卿崔山泉李恢垣諸君咸
來讌集於今已十年矣山泉昨以詩寄襄卿及
余前事余讀之而嘆爲賦是章

西樵吟寄何岳緣

龍母廟

永福陵行

聞清鐘閣夜宿

紫虛授詩海幢秋日過訪賦贈

吳梅村集書後

螢火

促織

朗山詩來促畫次韻戲答

辛亥十月計偕入都留別三首

中宿峽

香爐峽

英德舟作

河西尾夜泊

舟中口號

庾嶺

次南安

十八灘

吉水曉發

新淦舟中

晚泊章門登滕王閣

富春

留錢塘一日爲西湖之游得詩六首

露筋祠

車中偶成

入都

昆明湖隄外瞻眺

七月同陳見田編修

泰初

李恢垣銓部

光廷

廖伯

雪孝廉

亮祖

游西山宿善應寺

三山庵

龍泉庵

度羅侯嶺訪潭柘寺

潭柘寺歌

戒壇活動松

碧雲寺石塋後魏忠賢墓

尺岡草堂遺詩卷三目錄終

尺岡草堂遺詩卷之三

番禺陳璞著

歲暮偶作三首

朔氣蕭森歲又除
安仁依舊賦閒居
三山暮色惟寒雨
卅載浮家似老漁
無事好調嬌女笑
北行但送故人車
等閒身世吾何取
擊缶烏烏未羨渠

自矜樂事滿堂均
漫擬揚雄解客嘲
擁火妻孥分晚醉
登盆蘓芋佐寒庖
魚當水涸甘濡沫
鳥爲風多矮結巢
喜有故人晨夕數
人居相與對衡茅

幾桁蕭然野老家
庭前小樹碧橫斜
冷雲竟夜猶籠月

南雪窮冬不損花
敝戶有人僧饋菜
入厨無婢婦煎茶
長吟真比癡蠅凍
絮被蒙頭聽曉鴉

哭弟

吾祖寡兄弟
父亦無仲昆
暨余年十八
得汝成二人
前月余舉男
喜色動老親
意謂庭前樹
自此枝柯繁
如何蒼蒼天
儵忽隕汝身
汝年僅十五
資性汝頗醇
豈有大嗜欲
足以戕汝生
嬉遊亦童孩
喜怒任天真
更無大罪戾
降罰觸鬼神
欲哭懼親哀
忍淚聲暗吞

冀汝學有成
遣汝就外傳
負笈出重城
離家戒浮鷺
汝父隔江湄
汝兄亦羈寓
聞汝昨來家
神氣一如故
日斜

返學舍一夜乃沈痼骨肉多乖離倉卒不得顧朝來叩
門急昇歸已昏瞶痛哉四日餘溘然化朝露史巫禱無
靈醫灸藥豈誤淒涼市棺襟哀哀汝長暮

壬寅余就婚板橋伍湘卿崔山泉李恢垣諸君咸
來讌集於今已十年矣山泉昨以詩寄湘卿及
余前事余讀之而嘆爲賦是章

滿院春風喚畫眉桃花灼灼酒盈卮玉尊銀燭都如夢
北燕南鴻又一時庶下伯鸞猶作客閨中徐淑已生兒
不堪感舊懷人意更讀崔郎五字詩

西樵吟寄何岳緣

樵山巉巉去天尺秋光一洗空中碧崇巖谿谿豁窅冥
修林櫛森轉崱峴煙村何年橫翠微青嶂丹厓滿簷壁
人間榮辱不到處終古清泉照白石我曾赤腳訪子喬
手撥烟嵐上雲脊憑高眞作鸞鳳吟放眼忽驚海天割
山樓夜枕泉聲寒竟夕潺湲盪精魄別來鬚髮塵土黯
羈處窮櫚曾次窄近攬世網尤踳躐冰雪無復生肝膈
經年不出長裏頭四隅輒觸休振翮夜闌廢卷忽自嘆
自昔人生不滿百憶君高卧樵山雲俗慮塵容供一擲
驂鸞鞭鹿逐赤松朝飽嵐光足靈液笑我當年不肯留
歸作人間名利客

龍母廟

灘江東下程溪長千峯萬嶂蟠蒼蒼江頭神祠祀龍母
銀楣玉棟銜波光參龍失官白夏紀荒陬老嫗育龍子
雲霾大峽舟夜廻浪蹴崇厓墓朝徙秦廷璽書呼不來
南天留拯黔黎災危灘穩度萬櫂下靈風順送千颿開
祠前五月打銅鼓丹荔黃蕉雜歌舞雲旗晝下翻絳霄
鱗鬣之而飲江浦今秋粵郡旱未已羣龍何處睡正美
千邨禾恐化棘杞乞母鞭龍起行水

永福陵行

半閒堂上罷蟋蟀臨安城頭吹簞簞識成白雁事蒼黃

信失江湖氣蕭瑟穹廬再辱北狩行窮邊又警南巡蹕
是時舉目風雲變萬里神州賸荒縣瘴厲沈冥駐翠華
荆榛披拂開行殿殘黎空憤魯陽戈大將徒揮顧榮扇
銅駝回首悲洛陽敵來無地作邊牆茫茫中土東南盡
鬱鬱炎天日月荒艱難尙擬越勾踐再造猶期夏少康
豈知漢祚終難復景炎數載危亡促鼎湖龍去遺老號
大壑蛇分素靈哭從此河山付海航一塊誰延趙家肉
空餘寸土種冬青陵谷滄桑幾廢興石馬荒涼沒秋草
火燐明滅閃春燈風濤但撼慈元廟麥飯誰尋永福陵
可憐一代君王骨遠近礪州長薇蕨來朝只有柴市魂

惟應長照厓山月天荒地老曾幾時行人過此亦歔歔
長教榛莽沈幽魄猶勝烟煤化寶衣君不見理宗陵上
金鳬盡萬乘頭顱漆作卮

聞清鐘閣夜宿

閣在海幢寺

蒼烟繞閣萬株松人卧琳宮第一重天近疎星垂曲檻
宵深殘月上遙峯隱囊長簟迴塵夢短燭新壺話舊踪
清絕百蟲號夜籟不須更聽五更鐘

紫虛授詩海幢秋日過訪賦贈

短榻長年對佛燈梵堂涼雨淨蚊蠅閒雲時得無心友
布被眞成有髮僧詩可通禪君不忝酒客入社我還膺

中年哀樂都休論聽徹鐘聲悟未曾

吳梅村集書後

飄帷凍雨寒檠溼擁裘夜展梅邨集四傑詞華未易尋
元和風格誰能及郢下還傳白雪歌空山似聽薜蘿泣
庾信江南恨最深至今紙上猶於邑聲華憶昔滿京畿
領袖清流物望歸過江名久推袁淑入洛人爭識陸機
驂駒滿意追風騁鸞鸞咸看傍日飛豈意彤墀纔珥筆
風塵瀕洞昏王室宰衡兒戲視干戈百爾盈庭空辨詰
早知大地墮金甌漫向明堂奏瑤瑟歸來高卧閱滄桑
風雨瀟瀟灑蓬華轉眼果然陵谷變錦繡河山歸禹

甸雲爛星輝景運開 興朝下詔搜遺彥從古才華解
累人姓名早被廷臣薦卻聘難裁枋得書白衣勉效廉
夫見傳車敦迫上長安 螭陛恩深錫帶鞶苦憶故人
多殉節赧顏 新主又除官此時受職真無意謝病惟
當乞休致深悔當年一死難尙餘吟望千秋易還家從
此賦閒居亂離一一猶能記風烟回首事蒼涼伸紙無
端感身世身世悠悠又幾經升沈只任逐浮萍空栖表
聖王官谷莫覓遺山野史亭琴河舊恨纏綿在故國斜
陽涕淚零白髮羞稱吳祭酒詩人墓碣草青青

螢火

燭耀物雖細微光能自貞雨中然不滅夜暗燭纔行晚
欲迷星影朝還讓日明何曾有依附耿耿自生平

促織

促織聲哀切由來愴客懷暗燈愁逆旅倦枕憶天涯啼
急夜逾悄吟孤和亦佳我耽岑寂味愛爾伴幽齋

朗山詩來促畫次韻戲答

翰墨本天成舒卷絕間架刻意苦撫擬迹象詎能化自
謂不羈才拘謹匪匹亞跬步限規仿曾次乏瀟灑騫騰
軼塵足局促鹽車駕區區故轍守安可例雄霸芻狗君
何求優孟吾未暇鑪錘夙自具糟粕那須藉水十石五

目健筆可遽下欲示廬山真羞學荊州借慘淡期經營
而子乃自詫詩來語滔滔清泉噴石罅壁上龍能飛杯
中蛇可怕紙絹慣堆床十年視猶乍往往俗敦迫反獲
牛心炙豈知官判牘竟月一休假狼藉恣塗抹匆匆強
名畫儻欲求速成吾將以此謝因陋責可塞不貳市同
價此時疥君壁休更望君舍

辛亥十月計偕入都留別三首

幽燕萬里作征人卅載棲遲粵海身頗喜江湖供放眼
要防京洛有緇塵一裘去試黃河雪寸管行吟紫陌春
弧矢丈夫休惜別天涯早已等比鄰

屈指猶能幾日留寒天短景促行舟親期早達忘垂老
婦忍離情勗壯游跋涉何辭千日瘁功名豈爲一身謀
嶺雲海月如相憶分付南鴻作寄郵

霜柳蕭蕭珠海湄連朝祖道遍親知花從故國看原好
酒到臨歧醉不辭總角喜爲同載友

調恢垣同年

壓裝贏有

贈行詩他年薊北重迴首最憶紅棉爛漫時

中宿峽

羣峯如萬馬爭飲一江水前者俯巖吸後者昂首企合
沓初無路頽雲半空倚忽從一竇行擢入烟翠裡數轉
林木來松杉蔽天起山川孕靈秀經冬綠不死乍聞江

寺近山蒼水愈泚沙頭呼艤船吾將謁帝子

撥雲入山寺復尋寺後山山石踏犖确空亭坐浚潺雲
蘿絡絕壁窗櫺納烟鬟古祠在何所縹緲松篁間俯瞰
江波光冰鏡照蒼顏仰問歸猿洞懸繩怯躋扳松風忽
琅琅幽響滿松關自顧塵勞身愧此孤僧閒

幽尋不可久登舟事遠適前行欲何往迎面立翠壁路
逐兩厓轉水石互相激榜人牽百丈魚貫緣崩舟行
遲亦佳看山得細悉秀巘橫翠黛明妝儼侍側奇峯昂
然來劍佩敬憑軾淡者如幽人靜默自偃息羅列蓬窗
間娛我遠行客行行日欲昏漸漸出逼仄廿里琵琶江

寒月照沙白

香爐峽

叢厓束水又一門亂石怒作虎豹蹲拏舟欲上水下駛
人力難恃神爲尊江頭古祠傍疎木靈旗亂颭風聲喧
巉巖無路費牽挽併力拒石篙齊翻石角稜稜懍相向
失勢一壓吞鼉鼉思持巨刃削嶄巖不使過客愁扳援
仰見磯頭老漁父垂綸安坐閒無言

英德舟作

我從三峽來已閱千山秀去程十未一牽挽那容後晨
發溯滄波夜泊赴斥堠嚴寒日漸逼邇北變氣候何以

歡客懷異境忽奔湊奇峯各殊狀舊習不肯囿絲延曳
旗旛桓赴蒙甲冑銳喙集大鳥挺角觸神獸垂首頽雲
崩疥體碧花繡黼黻積鍊堆參錯束筍瘦暮經觀音巖
嶄絕尤罕覲匡頭壓蓬背石齒齧舷右其下蟠蛟螭其
上絕猿狖昏黑失樓閣隱約認微竇雲巔野燒明壁罅
佛燈逗欲遊怯潭深一墜夜誰救曉起上急灘陡詫萬
馬驟奔流沸亂石噴薄作泉溜拒舟不得前篙力與水
鬥羨彼南下船疾若箭脫殼艱難獲寸進此事詎邂逅
身世有順逆危苦亦終就遲速勿預期奇賞要難購前
途況無盡吟眺破清晝更喜澄江清一掬寒可漱

河西尾夜泊

半月滇湘路滇湘幾屈盤舟行趨日暮沙淺宿河干燈
火孤城近灘流客枕寒未曾過庾嶺漫作異鄉看

舟中口號

卅里山程百里舟牽船廿日尙炎州江波也怕離鄉易
故作千迴百折流

庾嶺

倚天積翠逕迴紆曉撥寒雲度筍輿要看中原歸坦蕩
豈徒鄉國削崎嶇梅花老幹開崖畔丞相遺祠兀路隅
我愧棉裘隨估客壯心卻棄出關繻

次南安

上陟危岑曉雪晴下投野店暮雲生人辭故里將三月
地入中原第一程章水漲時浮短櫂梅關開處見重城
明朝買得小划子

土人呼舟曰划子

又向虔州振舵行

十八灘

畏途傳自昔初客怯聞名激矢石縫出奔雷地底聲灘
師老要利舟子戒鳴鉦此地何曾險行人不斷行

吉水曉發

江天漠漠黯初分柔艣咿啞夢起聞岸積寒烟疎見樹
山含曉雪凍兼雲

新淦舟中

朔氣連朝急，扁舟水一涯。
江行時入夜，客夢未辭家。
臘盡寒生雨，春先柳欲芽。
艣聲搖不斷，鷗鷺起前沙。

晚泊章門登滕王閣

章河十日滯，征篷日日愁。
雲凍雨中倚，櫂江城殘雪霽。
捲簾高閣落霞紅，來無才子千秋筆。
去乞江神一帆風。
好向燕臺充駿骨，漫將詞藻動閭公。

富春

一路入清藹，篷窗擁被看。
水過衢郡碧，山到富春寒。
古事今猶仰，高風世所難。
釣臺不知處，昏黑下嚴灘。

留錢塘一日爲西湖之遊得詩六首

金坡麥嶺度蒼蒼石磴林坳數折長峯岫入天寒見影
松杉夾路碧成行秋墳有樹仍堪畫厝屋如村不碍望
窮盡清溪到天竺閒僧掃雪出游廊

北高峯轉徑微通靈隱林深護梵宮路入綠天雲黯黯
巖躡寶相佛玲瓏森森紺殿生虛籟落落孤菴指半空
小憩冷泉亭畔石雨聲猶似打孤篷

九里松風接水湄岳于墳古傍遺祠英雄魄在湖山壯
忠烈名高婦孺知宿草幾坏餘碧血長林千載尙南枝
煌煌異代褒嘉重伏讀 純皇御製碑

幽林盡處出山隈一片湖光潑眼來堤上凝雲環翠黛
鏡中倒影盪樓臺鶯花短約隨波轉簫鼓春船拂柳迴
我自清游民利頗須知賢守要通才

蘇堤罷謁水僊王放鶴亭高跡未荒路古共行山犖确
林寒最憶月昏黃都無俗累家三口猶似伊人水一方
散髮我來思放櫂西泠橋樹晚蒼蒼

南屏峯翠鬱氤氲又見禪棲倚碧雲古塢高留西嶺日
晚鐘敲落隔湖雲柳條萬樹松千樹山色三分水二分
疲矣津梁吾欲息不妨僧榻掃塵氛

露筋祠

昆明湖隄外瞻眺

西山如長城天半橫紫翠昆明隄上行峯岫忽入地長
風吹激灩嵐影久升墜萬壽峙其北樓殿矗空際浮屠
黃琉璃照耀者何寺西南玉泉秀白塢卓而侍中流島
嶼開員嶠儵浮至長橋臥玉竦飛簷擘金翅寶樹森雲
林瑞草覆瑤砌明湖四十里佳氣此焉萃踽蹢那敢前
鑿輅所常駐靈臺湧西岼歸巍特雄異俯吞萬斛水
坐閱千軍戲嚴陣出波濤樓船列旗幟懿哉久承平未
敢忘武備開鑿沿漢名游豫得夏意乃知神聖代御
幸無非事豈爲耳目娛寶奠家國計書生來海濱目未

窺巨麗敢擬長楊篇竊覩用私記

七月同陳見田編修泰初李恢垣銓部光廷廖伯

雪孝廉亮祖游西山宿善應寺

相趁秋氣涼西郊訪靈窟落日翠微麓山寺幽可歇階

墀美林木蒼松幹如雪京師人呼曰白松寺僧爲展席齋茗供

清啜徘徊坐深夜徙倚仰天闕半載長安塵一夕山中

月

三山庵

生平愛流泉北地苦無水路入三山庵聞聲意先喜灌
木覆黯黹礪礪咽奔駛我欲窮其源雲蘿碧無已斂庵

入小憩滿座風雨起疑此一澗盤繞庵瀉清泚豈意坡
陀間一澗復邈迤兩澗抱一庵洗盡箏笛耳

龍泉庵

松根瀉澄碧樹杪橫闌干林厂納秋暝石池生古寒聞
泉客更寂栖鳥僧同安相對酌甘冽冷冷涼肺肝

度羅侯嶺訪潭柘寺

天爲幽尋遠朝嵐連晝陰沾衣灑涼雨鼻筍度危岑古
寺在何處亂雲行更深青蒼忽在眼鐘響出煙林

潭柘寺歌

太行一臂忽欲東尾擊紫塞連居庸渾河洶涌界不斷

千里一氣青濛濛我度羅侯嶺遙揖千龍從其間不合
大如礪四繞紫翠周垣墉巉巉鳥道何年通乃有佛剎
居當中人言幽州前殿宇先共工階前古柘死不仆枝
柯鑿石根青銅又言佛殿下海眼深黑波濤洪神僧說
法老龍徙重淵一夜成琳宮靈奇荒怪烏可窮但見金
碧光射青芙蓉東厓石徑入窈窕紅泉幽咽煙翠重深
林絕磴轉西澗巨石亂踞軀象熊飛流萬斛不肯閤日
看水石相撞春砰訇赤午門雷雨天矯絕壑蟠虬龍雨
厓蔽虧條日暝敗葉積尺無人蹤何當裹糧更相從捫
蘿挽葛數遍千萬峯厓高壁斷猿狖不可度鞭鸞控鶴

乘天風

戒壇活動松

戒壇之外巨松四磅礴鬱律皆奇觀卧龍偃蹇懶不起
枝柯外仆根內蟠九龍之而躍空去蓮花千瓣開作團
一松亭亭末殊狀百尺鋏立于雲端下垂兩枝梢拂地
密葉上覆蒼烟搏僧來指此云最異搖其垂者教客看
一枝乍搖影纔動萬枝忽舞天風寒輪囷老榦不自主
隨人牽挽何所干我疑根蒂未深固往撼厥榦如山安
全身奚至役一髮尾大不掉良可歎憶我西樵有巨石
山脊矗立徑丈磐兩手推之忽搖兀千夫力盡牽竟難

彼曰逍遙此活動索解不得名強刊欲推物理苦無謂
且聽竿籟翻波瀾

碧雲寺石壇後魏忠賢墓

鈴聲丁東搖紫霄玉階梯天千尺翹磴危壁削苦攀陟
神斤鬼斧旋風颺狻猊雪爪竄牂牁鵠鸞翠斨驚鷗鷺
排雲見闕眩引領稍上儵已去躔遙華髮絡纓周四角
玉面目我如相招當中趺坐梗義馭肘後粲爍森斗杓
誰歟營此耗帑藏委鬼竊柄當前朝熏天焰熄一彈指
殘骸不得存山椒坐令鉅麗歸老衲留與後代相譏嘲
亦垂萬古作殷鑒使知此輩爲國妖君看明社今已屋

尺岡草堂遺詩卷之三
二碑墓上猶嵯峨獨憐山水幽絕處穢迹不逐蒼烟消

尺岡草堂遺詩卷之三終

男衍緒校字

尺岡草堂遺詩卷四目錄

十月二日初雪

寄伍大

都中度歲

有感

答李慕堂見懷之作

都中雜詠六首

出都

保定道中

滹沱午飯

樂城趙順平廟

沙河縣道中卽目書懷

南歸車中偶成

宿邯鄲

豫讓橋懷古

新鄭道中

雨過昆陽

蕩陰岳廟

裕州下船

新打洪守風

漢濱舟夜

湘陰道上端午

衡山縣夜泊

耒陽山居

下瀧

寄伍湘卿

古松圖歌爲許別駕小琴作

初夏檢臨都下攜歸各帖感賦

爲霍芙溪作畫

和朗山九日答慕堂韻

知舊避亂省垣歲將莫矣不得返爲賦此篇

夜懷伍湘卿廖伯雪

贈楊子餘茂才

歲除偶作

陳朗山自淞歸時遇寇豐城僅以身免吟稿盡失
前月徐公可在越爲寄復數十篇朗山持以見
示讀竟因題

廣甯壯士歌

喜廖伯雪伍湘卿至

湘卿子學藻方弱齡和余懷湘卿詩將從伯雪讀

書香山再次謔示湘卿兼送伯雪

哭徐觀察鐵孫先生四首

夜坐寄懷伍湘卿

得湘卿書并詩詢及朗山諸君近況次韻答之

送李大銓部赴都

秋夜

題應曉山墨蘭

題畫

丁巳十一月十四日夷陷會城余竄歸故里驚喘

甫定感慨轉增追賦數章聊紀身世

村居度歲日游澤上看桃花

謁王中丞祠

雨後晚眺

追哭招水樵茂才

仲敷

尺岡草堂遺詩卷四目錄終

尺岡草堂遺詩卷之四

番禺陳璞著

十月二日初雪

秋色未曾盡燕臺雪已飛團圓壓殘菊款款入疎幃南
客寒驚早西山翠欲稀京華仍旅食爲問幾時歸

寄伍大

纔看秋殘又雪中宵夢覺思何如長年京國仍爲客
屢月鄉園始報書著述欲成愁覆瓿名心未淡畏虛車
故山自有歸來約只合荒畦共種蔬

都中度歲

雨暗上饒江上路雪晴燕蓊鳳城闌遙思水宿孤舟夜
已閱天涯兩度春楚澤黃巾愁近報炎方白髮念遊人
淹留日月何爲者且看 皇州萬象新

有感

壞雲忽壓潯陽壘妖鳥旋飛皖口城東走華元先棄甲
上游房琯未知兵遂令道路傳風鶴坐看滄波縱巨鯨
十萬雄師都束手更無人擬請長纓

十日金陵化草萊江南回首重堪哀如何虎踞龍蟠勢
難禦狼奔豕突來積甲急須屯鐵甕傳烽又恐照蘇臺
可憐歸路山河隔復阻兵戈益費裁

答李慕堂見懷之作

風塵顛顛髭鬚稀誰憶炎州客未歸
南望烽烟愁建業北留琴劍滯京畿
一身人海萍難定二月都門雪尙飛
何似故園高卧者紅棉樹下看春暉

都中雜詠六首

雲端瞻鳳闕金爵上青霄春樹浮宮瓦
神池接御橋烟波瓊島近紫翠景山遙
欲擬西京賦才疎負聖朝十二通門啟
輪蹄湊萬方廣場看曼衍列肆購琳琅
異服高麗佔新聲巴蜀倡果然人海闊
容得此身藏官牆留法物十鼓列戔戔
萬代翔鸞鳳何年載駱駝銘

功同照耀愛古重摩挲大筆韓蘇在無煩更作歌

無事尋僧寺幽奇幾處逢唐年三片石

法源寺有景福元年大安元年

開誠元年碑

明代十圍鐘

永樂年間鑄

崇效看新萼慈仁倚老松

賞花兼訪古客興藉祛慵

層疊西山色蒼蒼擁

帝闔

御園開罨畫

輦道上

嶙峋供帳千官從移家萬乘陳近聞罷

臨幸

塵念

在斯民

昆明四十里蕩漾似西湖雁塢蘊青藹龍舟泛綠蒲

純

廟御製乘船至昆明湖詩刻石堤上

嵐光浮上下烟柳寫模糊武備今雖

弛樓船未可無

出都

回首風塵未息機
郊原春樹又芳菲
一年作客蕭蕭過
萬里辭家草草歸
伏櫪馬休思遠道
知還鳥易倦高飛
他時寄訊春明客
報我親栽柳幾圍

保定道中

莽莽風雲古范陽
神京南控重雄疆
悲歌暮過荆軻里
鞭馬晨經祖逖鄉
擊筑市中人老大
築金臺上事荒涼
東南此日需飛將
樂毅何因出朔方

滹沱午飯

滹沱城外水春浪
已汙汙驅馬登長
約投饑赴野村當

年難麥飯吾道乃壺飡欲覓蕪蕪地平原草木昏

樂城趙順平廟

常山存古郡蜀將有遺風吳魏無其匹關張與論功感
時當戰伐懷古重英雄故里停車問祠堂春樹中

沙河縣道中卽目書懷

鹿鹿車輪碾細沙駸駸蹕蹕踏涔窪春深驛路飛榆莢
地暖烟林放杜花草笠喜將從野老華堂爭似住田家
故園歸去吾何事也覓荒畦學種瓜

南歸車中偶成

北去驅車齊魯鄉南行燕趙入襄陽長途一樣輪蹄瘁

南是歸途更覺長

宿邯鄲

望望邯鄲夕照開
呂仙祠樹碧成堆
今宵莫借黃梁枕
怕有王侯入夢來

豫讓橋懷古

一死酬恩未足奇
能令人死轉堪思
漆身吞炭尋常事
要有當時國士知

新鄭道中

政平夏未毀輿梁
南度濺濺溱洧長
忽憶歐陽詩句好
紫櫻桃熟麥風涼

茫茫終日黍禾間一上高原動客顏纔望太行山色斷
車檐雲湧又嵩山

雨過昆陽

遺祠莫覓沈諸梁躑躑塗泥已楚鄉初夏片雲過溜湧
亂山橫路入昆陽帝王須是真龍種雷雨如逢舊戰場
懷古欲徵班叔論赤眉銅馬漫徬徨

蕩陰岳廟

曾拜西湖古墓來鄉祠過謁重徘徊窮蒼已定偏安局
崧嶽空生將帥才故里未歸生不恨中原垂復死堪哀
知幾爲憶騎驢客收拾雄心付草萊

裕州下船

消盡輪蹄歸人又水邊且停新野轍來上趙河船櫂
短沙仍淺途長月再圓從茲謝茅店夜夜宿潭烟

新打洪守風

車行阻雨思乘舟堵陽喜見唐河流舍車買櫂趁新漲
五日欲過荊門州荊門稍遠預難度三日始至樊城泊
樊城三日已苦遲復見南風轉旗腳南風四月事乃常
我因南下憎其狂帆張不得櫓力軟沙岸一日如年長
登高極望漢川水黃埃漫天波浪起此時忽復思驅車
躑躅猶能廿餘里嗚呼人心真鹿盧舟車利頓安能無

勸汝遲速且任彼流行坎止天爲徒不見來船瞥過飛
鳥疾何嘗非此聲颼颼

漢濱舟夜

蒼茫漢水拍天流落日千帆傍岼收浪挾長風淘客夢
月涼殘夜作新秋歸無程限何嫌旅味飽江湖已慣舟
篷底一燈相照宿此身天地只浮漚

湘陰道上端午

行盡湖西水淼漚又奉蘭芷采芷離場來騷客行吟處
正是江鄉競渡時古調不聞歌楚些土風容解吊湘纍
滄浪我欲從漁父搖落何知宋玉悲

衡山縣夜泊

一水瀾漫盪紫紋羣峯截業倚清雰客行夜見三圓月
帆轉船收九面雲翠巘極天留禹蹟碧波無際吊湘君
晚涼坦腹推蓬卧愛抱江風到夜分

耒陽山居

春漲碧連樹夕陽初繫船嵐光堆屋瓦雲氣雜炊煙地
迴有高士林深殊悄然嗟余逐萍梗未得結茅椽

下瀧

扁舟百里程坦途無五尺短檣時騰空船底日磨石輒
從陡絕處十丈試一擲

寄伍湘卿

兩載鄉關憶孟嘉我歸君又返田家濛濛孤館空吟雨
黯黯寒春欲損花閉戶漸看過上已離懷仍似客京華
年來最感坡公語放手難搏已散沙

聞有松溪舊草堂編茆歸去足徜徉減衣架蓄千家集
仰食門餘幾樹桑檢蠹兒能知曬卷飼蠶妻不厭提筐
築廬我欲相從住翹首江天意渺茫

古松圖歌爲許別駕小琴作

古松在坑頭爲我族始祖手植東晉時

物也小琴巡檢茲地見而圖之
並徵諸公詩築拜松亭於其前

盤根十畝榦卅圍寒塘白日雷雨垂千年無人賞旁魄

許侯一見驚歛寄爲招畫史兒古翠更約詩老攄新詞
一朝瑰偉動嶺海爭看晉代蒼髯姿南翁愛松夙有癖
卻恨平生未相識獨來拜倒霜根旁省是將軍舊顏色
將軍晉臣不帝劉棄官遯跡荒海陬當時史傳闕紀載
此松乃與傳千秋兀立皤皤尙英武嶺南無樹敵其古
萬劫冰霜淬不彫半空鱗鬣長飛舞愛人及樹自昔然
好事難得如侯賢磨碑勒禁遠斤斧構亭肅拜瞻雲烟
幽光潛德力振發弃藏一卷皆鴻篇披圖我愧將軍後
苦作詩歌未足傳

初夏檢臨都下攜歸各帖感賦

南北往來何所得漢唐碑本壓歸車鼓聲已入經行路
紙墨猶隨所寄廬三月鶯花看又盡兩河烽火急何如
未能仗劍從戎去且向齋頭日學書

爲霍芙溪作畫

君隨湘水我姑蘇計日同偕達帝都吳越江山君未
見爲君研墨寫西湖

和朗山九日答慕堂韻

戰鼓冬冬晚未休西風吹入萬家愁那堪白髮重經亂
家君年踰六旬憂時彌切尚有黃花解作秋越石中宵催起舞仲宣
無地賦登樓欲謀千日長酣醉癡絕憐君似虎頭

原作有白

酒欲謀干
日醉之句

知舊避亂省垣歲將莫矣不得返爲賦此篇

客心愁似欲寒天黯黯重雲混晚烟松菊徑荒悲故里
鼓鼙聲老逼殘年仍尋蛆壤差堪託擬駕牛車恐不前
滿眼風塵昏咫尺那禁翹首辨山川

夜懷伍湘卿廖伯雪

避寇人來滿穗城獨君寒餓守柴荆窮冬原野雷霆門
白日村墟魍魎行月落雲停應憶我水深浪闊最愁卿
詩成欲寄無由達卧聽殘更斷續鳴

贈楊子餘茂才

茂才嘗從漢軍出禦賊北郊賊擁至軍退君注
矢若不聞旁有賊以刀斫君君一發殪之賊不
敢逼軍獲全

平日書生耳臨戎過壯夫孤身殿全隊一矢殪妖狐
詫子真奇士嗟余舊酒徒未能從荷戟拊髀自暗鳴

歲除偶作

眄絕河山息戰塵城圍纔解歲將新雙門燈火仍爲市
五嶺鶯花半不春晚酒團圓垂盡夜江鄉多少未歸人
醉中忽報蠻渠獲吉語朝來動四鄰

陳朗山自潮歸時遇寇豐城僅以身免吟稿盡失

前月徐公可在越爲寄復數十篇朗山持以見
示讀竟因題

開卷如逢上道初我曾行處半君書山川過後淪兵革
烽火歸來逼里閭幾首費渠魚雁力與身俱屬虎狼餘
心精磨滅應難盡千里良朋與護儲

廣甯壯士歌

壯士梁阿妹廣甯人以拳勇聞所居村曰太平岡

去年羣盜紛如毛州郡十城九不牢太平岡村據衝要
豺狼日過無敢噪村中斂斂有壯士氣懾豹象吞鯨鰲
毅然應募出殺賊一戰殘堞芟蓬蒿赤身椎結手白棒
老罷大吼豁子逃城西石澗拂獨窟攘臂先往血洗刀

後軍不來陡圍合萬賊麇集腥風號是時壯士髮上指
旣出復入求其曹從人脫出不自退猛氣湧作衡崧高
慘霧昏霾萃妖蝮血光射日日曄曄重圍力盡高敖曹
崩岸驚沉麥鐵杖英雄沙場不惜死敵愾捐軀斯已矣
殺賊幾曾聞鬼雄官軍奪氣羣寇喜旬餘再戰兩陣開
陰飈捲沙揚昏埃兵交未交賊辟易驚呼壯士提戈來
陣前憤踊勇猶昔從之所向無堅壁殲渠掃穴一日平
論功令人淚沾臆村中老人述更奇孤村昨夜英魂歸
憑其婦言告鄉里殺賊吾戈當更揮又言遺骸被賊棄
溯流今夜當自至溪頭出看湧白波瞋目凜凜猶生氣

只今嶺海收烽烟錄功行賞爭邀先雀翎石頂紛照眼
壯士祠廟空荒阡壯士壯士酌汝一杯酒今日英靈猶
在否一心殺賊安計功只爲田園刈稂莠中原尚聞狐
虎嘯鬱潯仍有麋狸走祠前草木皆甲兵中夜青燐閃
星斗雲馬風車馳向西先向蒼梧翦羣醜

喜廖伯雪伍湘卿至

干戈滿江潯井邑聚麋狸消息久無有死生何可知竄
身愁繫繫入夢半迷離今日真相見相持喜轉疑

湘卿子學藻方弱齡和余懷湘卿詩將從伯雪讀
書香山再次韻示湘卿兼送伯雪

細雨濃陰春滿城
城頭柳色映班荆
綴文有子尙年少
避地從師將遠行
卓犖人都憐阿買
窮愁此足慰虞卿
他時海島吟聲寄
須遣鏘鏘雛鳳鳴

哭徐觀察鐵孫先生四首

殺賊孤軍氣激昂
經年苦戰費邊防
瀚中隱作長城倚
陣上羣驚卞壺亡
韓筆杜詩生藉藉
金戈鐵馬死堂堂
讀書報國公無憾
只惜臨安失保障

妖祲百丈壞雲屯
鼓絕前軍曉色昏
馬革裹尸原自許

車輪殷血更無援
侍姬哭殉閨中節

伍姬人喪次自經

公子號

招戰地魂

長君伯安隨侍軍營負公尸返

爲語彭宣休更慟

公門人陳朗山言及

輒哭幾人今解鑿凶門

招寶山頭吊虎臣長歌激壯泣松筠

公銅瓦集有吊朱將軍歌將軍夷寇

樹時戰

銜鬚今得齊前軌折脅猶親刃數人

公中矛墮澗猶奮起

殺數賊

聞越後誰撐壁壘東南天未息兵塵全家聞寄溫

州去埋骨何當返海濱

嶺海詞壇夙典型越江宦蹟有循聲正看尺牘冬傳捷

去冬公第三子公可來書言五戰皆捷

何意飛星夜隕營晚出我應先拜

紀北游恨未一瞻荆

璞交公可十餘年卻不得見公辛亥過杭時公任紹興以迂道未果

謁只今最念縷衣客羈旅河山遍甲兵

夜坐寄懷伍湘卿

廢卷辟殘暑軒池坐夜深露華涼月氣風葉試秋吟瘴
海烽煙息嚴城鼓角沈故人今不見遙思落江潯

亂來生計盡握手憶春殘兵燹饑寒小流離骨肉難遣
兒逃海島戀母返江干浩劫今過了松溪住可安

一別竟無耗江天幾望舒昨從何仲默失喜奉雙魚問
字尙來酒牽蘿堪補廬聞茲好消息稍稍慰離居

得湘卿書并詩詢及朗山諸君近況次韻答之

江村苦寇復愁兵尺札淒涼亂後情骨肉得完翻聚哭
桑麻難殖又憂生幸餘筆硯身堪託初息烽烟夢尙驚
我讀君詩不能寐一燈相對夜深明

去年流徙遍交親消息于今漸可詢
豈謂酒邊同醉客翻爲兵後別家人
浮沈自料雙蓬鬢治亂何關一粟身
連夜瀟瀟秋雨滴江城眊斷寄書頻

送李大銓部赴都

草堂曉起聞敔門故人別我將北轅
兵塵經年斷南北問君何路向京國
君言洞庭西渡江荆門驅車入襄陽
昔年此路同歸鞅今日憐君翻獨往
田園何事不可安知君壯志殊鬱盤
我本林泉愛高卧近覺出處兩無奈
憶昨並轡方南歸鄉關一夜海水飛
只今烽燧似稍息牂牁西上尙荆棘
深林大澤伏莽多君縱招隱將奈何

少時與君比兄弟勢異人人自爲計欲從君去不得前
此別握手知何年離懷連夜化秋露凋盡佗城滿城樹

秋夜

涼雨斷秋夢昏燈鳴草蟲不知庭畔樹何事復搖風歲
月又將晚行藏誰與同明朝看落葉應滿古牆東

題應曉山墨蘭

曉山晃卿兄早卒
著有曉山詩鈔

休璉才華擅一時孤芳空谷少人知殘縑剩有幽香在
爲語君苗好護持

題畫

蕭瑟菰蘆雁影稀江亭斜日暮烟微客心也似秋林葉

晚逐風帆片片飛

潮落見洲渚林光開曉烟斷岼溪水淺草深聞刺船

丁巳十一月十四日夷陷會城余竄歸故里驚喘甫定感慨轉增追賦數章聊紀身世

妖星百丈壓城頭肉食何人有遠謀俺答本求開馬市
高駢惟起望仙樓八門坐受郎機礮一夕聲傳赦勒秋
痛哭南天文物地越臺麋鹿竟羣游

釁起經年寇已深事機一失到于今賜同鶉首真天醉
勢極然眉卒陸沈汰侈樂桓先召敵虛夸趙括坐成禽
覆車下豈論夷跖我本池魚更不禁

長平瓦碎萬人驚老幼相攜曉出城卅載安居揮手去

全家行李一肩輕因循初計思鄉土

春時屢欲移家故園卒不果

歡

喜生還感父兄饋問牆頭鄰里集羗村秉燭話深更

話到滄桑感咽多豈徒荆棘卧銅駝南州圖籍成灰燼

前輩文章費網羅

時方修番禺志設局尊經閣焚諸稿一空拱北樓及各書坊亦俱燬

只有投繯傳漆室

邑侯夫人獨死難

更無擲鏡似摩訶滿腔悲

憤聞雞起也付尊前喚奈何

村居度歲日游溪上看桃花

村西南出逐溪斜礙帽鉤衣密樹遮歸里去謀三畝宅
挾書來坐萬桃花春仍妍媚如無恨我極流離尙有家

回首佗城墮煙霧不堪重問水仙芽。會城度歲水仙甚盛

謁王中丞祠

中丞廣東巡撫王公來任也康熙四年蒞粵時

下令遷海濱居民公力陳不可臨歿猶䟽其事
民得不徙近海諸鄉俱肖像祀之余鄉亦有祠
村人歲時致祭余歸謁祠賦此

廣穎疎髯睂宇溫綠榕陰裡古祠存千言臣爲安黎赤
公遺疏十數篇俱陳民間疾苦萬井民今長子孫處處兒童傳姓字年
年父老賽雞豚欲尋遺愛渾無迹燕雀啁啾荔子園園在

祠後

雨後晚眺

雨霽前山雲盡飛，疎林寂寂帶斜暉。
隔溪叢薄參差處，尙有烟痕一片微。

追哭招水樵茂才

仲敷

昔我總角友，抗志跨巉嶠。卓犖負異姿，維子最年少。
富蘊吐奇藻，雋思赴高調。邁往襟抱超，肫懇德性劭。
相期託後死，藉汝貞石耀。何意遽哭君，風林爲悲歎。

十月來羊城，握手已稱病。咳吐小疾耳，豈謂遂殞命。
城頭飛鰲攢險脫，我室罄初擬。投君村鄒生，卻相迎。
余初欲投橫沙依君後，乃就特夫泌線。其地與君近，消息亦易偵。
既至凶問

來喪亂涕淚迸

泌漵十日住扶父返鄉里流徙僅自顧執紼我汗泚生
平謬知交至是相棄矣舟中起迴望淼淼橫沙水當年
極歡笑已逐電光駛伍子復書來欲讀不終紙

伍湘鄉昨有書

述與君永訣語
極悽惻感人也

驚波棲稍定輒念同羣翼流離各有託子獨不可憶憶
子傷我心碎此未成壁遺稿有傳作散棄誰與惜亂世
易零落身後將寂寂生才不假年天心一何迫

尺岡草堂遺詩卷之四終

男衍昌校字